



國聞週報

期三十第

卷一第

目

要

中華郵務局掛號認爲立券新聞紙類

社評(二則)

倫敦會議之前因後果

美國Frank H. Simonds著
蔡受百譯

中俄商約之將來

記者

蘇門答臘西海岸之土人

I. K.

國際間了解之要素

杜威博士著
炎炎譯

狂熱的十分鐘

馬二先生譯

政之誠夫

中華民國十三年十月二十六日出版

Vol. I, No. 13

行發社報週聞國

OCTOBER 26, 1924

時妝小志 (五)

(E) 毛冷絨繩衫

女學興後。毛冷絨繩織品大流行。始猶祇用之於小兒之鞋、帽及婦女之圍巾。近二三年來。愈推愈廣。婦女秋冬之交。多織爲毛冷衫或馬甲。用代外衣。以禦薄寒。



(A) 毛冷衫 其式較通常之衣爲長。左右下袂各有一袋。周圍以異色之繩結爲邊。腰際結一束帶。與邊同色。領或方或圓。或外翻。鈕用骨製者。或不用鈕。而以綢帶爲結。亦甚雅緻。



新儼

(B) 毛冷馬甲

其織法與衫同。惟無袖。周圍亦以異色絨繩織爲緣。下方亦有兩袋。用以置物。或插手取暖。腰際亦多加一束帶。此二種衣着。學校中人物服者最多。



(附) 新式之裏衣馬甲 婦女之裏衣。多着馬甲。製以綢緞。以絲爲緣。寬窄稱身裁成。有袋。下方及領口。飾以白色花邊。冬令絮以絲棉。夏季製以紗羅。顏色務取鮮艷。電燈光下。綃羅帳中。外衣乍解。別有風韻。足以動人也。

編 輯 者 言

△倫敦會議之前因後果一文精警明決得未曾有、蔡受百君、特爲詳譯、故篇幅較長、下期方可登完、

△美國大總統選舉、定下月舉行、次期本報當有詳細之紀載、並附圖畫多幅、極有趣味、特此預告、

△東南戰事已告終結、東北戰事在榆關相持、無甚發展、是項紀事、併入國內外一週大事紀、未列專篇、希閱者注意、

△熊克武爲西南健將、百折不撓、近雖窮蹙於川黔之交、仍有崛起之志、下期本報將有關於熊氏之詳細紀述、以供國人參攷、附以預白、

目 錄

社評(二則)

廣州商團事件之慘劇……………政之

對於滬埠善後之感想……………誠夫

倫敦會議之前因後果……………美國 Frank. H. Simonds 著
蔡受百 譯

中俄商約之將來……………記者

蘇門答臘西海岸之土人……………T. K.

國際間了解之要素……………美國杜威博士著
炎 譯

戰爭爲人口增多生產缺乏之結果……………馬君武

國內外一週間大事紀……………公展

時裝小誌(五)……………新儂

狂熱的十分鐘(小說)……………馬二先生譯

慈禧秘紀……………清廷宮女口述
馬二先生潤色

前期勘誤表

社評

廣州商團事件之慘劇

政之

本月十五日廣州政府因解散商團之故。釀成軍隊焚掠市場之慘劇。此固粵民之不幸。亦廣州政府之大不幸也。

夫此次慘劇之發生。由於解散商團。而商團與政府之交惡。由於政府扣留購械。吾人將欲評論此案之是非曲直。勢不得不迴溯政府與商團間關於扣械之交涉。夫廣州之商團。往者固受政府之獎勵。其購置槍械也。大本營軍政部實有護照證明之。迨至購械到省。忽被扣留。所以然者爲其數目與護照不符耳。按道理言。彼時政府於扣留之後。一面應澈查不符之原因。一面應就溢出之槍械。予以扣押。而就商團應領之械。則仍舊發給。而將主謀私購溢額槍械之人物。另案查辦。如此則條理分明。責有攸歸。商團無株連之累。政府亦示處置之公。辦法之善。無逾於此。不幸該項私購之械。牽涉粵局要人。或謂爲許崇智用備擴張實力排逐客軍之需。以故許崇智被拘數日。或謂與范石生陰有勾結。故范氏曾出調停。事涉隱秘。不易證實。要之內幕複雜。則可斷言。爲粵政府計。彼時能澈底查辦。公平處分。策之上者也。若果有所顧忌。不敢追究。則沒收其不符之部分。而發還其他部分。亦不失爲正當之處置。蓋即令商團中人與政府中人勾串舞弊。亦不過二三人責任問題。與商團請照購械案全部無干也。不幸中山左右有一二野心家垂涎此大批軍器。意圖攫奪。於是一再刁難。各方挑撥。而成商團與政府相持之局。卒致釀成空前之大禍。此真可以太息痛恨者也。夫粵政府對於茲案辦理。平穩固已。然商團本身亦不

能無責任。蓋商團所標榜者自衛而已。其目的非常單純。本無參加政潮操縱粵局之雄心與魄力。自宜力避黨系關係。乃何以聽令少數人物。忽而與南方軍閥通款。忽而受北方軍閥利用。以少數人之把持搆煽。卒以廣州市爲殉。此其愚昧。又真可哀也。夫茲案從前政府與商團間儘有和平了結之餘地。乃雙方延誤。墮入野心家挑撥操縱之阱中。而不自覺。言之固堪嘆息。至於十五日之慘劇。則粵政府更不能不負重大責任。夫商團受政府敵人之利用。有種種反革命行動。政府爲自衛計。強迫解散。或可見諒於人。然吾人試問。商團首領人物之行爲。是否須令全體爲之負責。此其一。商團雖以服裝精美。見賞於中外人士。實則向缺訓練。身家念重。戰鬥力本無可言。以軍隊解散商團。是否應小題大做。竟取戰爭行動。此其二。戰爭之義。在消滅敵人反抗能力爲止。國際間之虐殺焚掠。且非文明國所許。政府軍懲治商團。何以竟殘酷橫暴。施行無理由之破壞。此其三。商團中之少數分子。違法犯紀。責任至有限制。何以凡屬商人悉任強附會於階級鬥爭之意味。是否擬與不倫。此其四。要之解散商團可也。解散商團而出於戰爭之形式。取焚殺之手段。參階級之感情。此實無法可以爲之說明。當世不乏愛中山者。當與吾人有同慨也。

對於滬埠善後之感想

誠夫

滬埠善後中之松滬護軍使問題。於上期業有所論列。與此問題同其性質者。更有聯軍裁遣問題。及製造局遷徙問題。聯軍之收束。似已告竣。製造局之遷徙。主張者雖多。而效尙未見。第以國民地位觀察。深覺此兩問題者。於東南之和平。及江浙兩省未來之幸福。均有密切之關係。故際此時機。不能不希望有適當之解決。

盧何行後。聯軍之第四第十師及何威楊各部。統計尙不下三萬餘人。此等軍隊。在戰時非無若干之價值。但從人民心理言。戰後殘破之餘。元氣斷傷。和平固盼永久保持。尤希望減輕今後之負擔。與消除未來之禍源。聯軍各隊此時。若加裁減。允為極佳之機會。江浙人民於兵燹之後。苟能得裁減三萬餘軍隊之結果。痛定思痛。亦或差足自慰。詎意數日來所謂收束軍隊之辦法。適與人民之期望相反。蘇浙當局各分得其半。第四師第六混成旅歸浙。移駐松江楓涇青浦一帶。第十師歸蘇。移駐吳淞江灣等處。臧致平所部乃至歸援蘇之鄂軍收編。其所遣散者。僅楊化昭部之兩團。及第十師之第四十團耳。（現亦由該師師長朱聲廣令重行招補。）由是以言。軍閥之行動。匪特反乎人民之志願。亦且毫無悔禍之誠意。而滬上一般人。則尙以聯軍離去。北站麥根路等處為慶。未聞起而為相當之主張。即担任籌款之團體。亦初未聞有何建議。軍閥固不可望其懺悔。人民責任。亦有未盡。此實吾人所不勝歎息者也。

製造局之遷徙問題。為各團體及一般人之多數主張。發表函電。頗不在少。但北京政府及蘇齊輩。均互相推諉。未嘗有切實之表示。此問題之結果。誠有未易預言。惟就製造局應否在滬。及滬上是否需此局所之問

題而論。殊覺毫無猶豫之餘地。蓋滬上為商業區域。並非軍事上之衝要地點。任其在商業方面自由發展。方屬正軌。今以有製造局故。於是不能不駐兵。於是不能不起野心家之覬覦。東南無事則已。苟不幸而有爭。則必及上海。非爭上海之商埠。實在爭得製造局。於是完善之商業區域。不幸而捲入軍事範圍。商業因而停滯。危害因而增加。此次開北南市之得免搶掠。不能謂非幸事。然製造局存在一日。此種危機。終未能謂為根本消滅。而滬上商業之發展。亦且時有受挫折之可能。故吾人極同情於製造局遷徙之主張。俾今後滬上不駐一兵。成為完全之商業區域。至地方治安。則由警察及人民自衛團體任維持之責。並無須有賴於軍隊。如此次開北所辦之保衛團。其服務之勤懇。遇事之勇摯。極博社會之好評。允為人民自衛之嚆矢。現在由人民起而解決政治。固屬難能。而由人民自衛本身之利益。則洵為切要之圖也。

就上所論。以當局自處之各方面。對於上列問題。顯未能有滿足人民希望之處。再以戰後而論。各方之爭。委機關官吏。佔據局所。非僅自居征服者之地位。且隱露傾軋之意味。故為將來之和平計。上列問題。實有不容不迅圖解決之趨向。東南人民。尤不能以目前之苟安為已足。否則此次之戰爭。乃為未解決一事者矣。日前大陸報社論。題為『環上海之戰事所解決者為何』。頗為痛切。茲并錄之。

上海方面戰事之最後結果如何。今即加以估計。自屬太早。因張作霖如在北方戰勝。即可將此結果推翻也。今姑假定吳佩孚能戰勝。或能阻奉軍不進山海關。而試測滬郊戰事所能得之結果若何。亦

至有興味者也。據昨日所傳多少可靠之報告。前浙滬聯軍行將劃分爲三部。一部歸齊燮元駐甯。一部歸孫傳芳之浙。一部歸新任淞滬護軍使。松滬區域前由浙省控制者。今將還諸江蘇。此殆可謂蘇浙戰事之結果。然此次爲取得戰勝之必要起見。曾調集閩皖贛豫鄂數省之大軍。此種政治的債務。必須設法償還。又豈容易解決者。故謂戰事已於上海方面多所成就。實使人不能無疑。因剷除所謂獨立省之當局。而耗擲莫大代價。以公平眼光觀之。實可謂未有所得。除戰費之外。必須計及上海商界所供給聯軍將士之欠薪。爲數殊不在少。然此猶爲戰事全部耗費中之最小者。其最大之耗費。爲上海以北上海以南兩面二十以至五十英里內城鎮鄉村悉遭焚燒搶劫。據逃難者及旅行外人之報告。在此廣大區域內之住屋。殆無一家得免於劫掠。而較大之城市如松江、湖州、南翔、嘉定、瀏河、吳淞、真茹等處。則劫掠之外。更加放火。此種財產生命之損失。直不可以數計。此外尚有滬上收容難民之維持費。爲數亦不貲。收容所勢將保持過多。未能即撤。除確實戰費如藥彈餉精之外。又有鐵路財產毀壞之損失。究竟此次戰事耗費幾何。殆無人能計算之。而如許鉅款必須北京政府及蘇浙兩省負擔償還。則無可疑。試問其致此負擔之故。則曰爲征服獨立之浙省故。雖然。上海此後運命如何。固不能預言。而日來傳之謠言若果可信者。則政治之風吹向何方。面已可略見端倪。蓋以鉅價購得之戰勝。並未使此間政局有大變更也。淞滬名義上。雖已歸江蘇管轄。但浙江之孫傳芳。對於淞滬之前途。斷然將有不少發言權。此覺於發表布告及委派官員之衝突而可知之。上星期某日。齊孫同時派員任某缺。而護軍使一席亦成

爲爭點。孫氏保白寶山爲代理護軍使。齊氏不置可否。而表示彼意欲另以一人任此職。最近傳說白寶山將被派北上助直軍對奉天作戰。其他風說紛紛不一。總之。軋轢不和之原素。又復漸漸顯露。苟不設法消弭。竊恐不多數月。蘇浙間又將以陰謀互相排抵矣。至於移去製造局及劃淞滬爲中立區問題。顯然毫無成就。齊燮元一年前對於此問題之誇大態度。現在顯已撤銷。而不置可否。諉稱此問題須由中央主持。孫傳芳則目前既未控制淞滬。故贊成移去製造局。蓋彼當然不願見此重要之軍用利器。落於一今日爲同僚明日可變爲仇敵者之手中耳。如是吾人不必待北方戰事之結果。已可容易見到毀壞商業殘破地方及致成可驚耗費之江浙戰事。並未有所成就。不過換了一班新角色置諸舞台之上而已。

影片片影

心冷

▲笑匠之笑料

卓別林之引人笑處在走路
羅克之引人笑處在發獸
泡洛之引人笑處在裝呆
拉萊西門之引人笑處在跌撲
培斯開登之引人笑處在善于利用機械
肥的之引人笑處在打架

●感詩

楊雪門

羣龍無首鼓豐隆。血戰玄黃運未終。肯與舞陽還霸上。最難蕭相轉關中。東都討虜馳唐檄。南粵招佗出漢宮。欲問盈盈衣帶水。鱸魚消息可曾通。

半壁河山孰護持。浮生如夢復如痴。有圖難寫流民狀。無淚堪揮諸將詩。馬革何曾尸裹盡。牛韋已到犒完時。微茫烟景新亭冷。城樹依依尙不知。

牙旗瑟瑟動秋風。落葉平蕪暮靄中。幾見捍塘屯武肅。浪傳防地縮壺公。有人蚤立吳山馬。故物誰歸楚國弓。惆悵南屏松柏路。黃妃塔影已飛空。

戰場有血豔如花。火掣黃金萬道蛇。兒戲賈平章。蟋蟀刮灰周穆滿。蟲沙等閒羞執降。王挺宛轉靈通使者槎。若輩一窩安樂去。春來巢燕已無家。

廢壘蒼涼斷鼓笳。黃昏墨點集寒鴉。失機律放哥舒翰。挾策才空李左車。赤壁徒供秋士筆。青門且種故侯瓜。蚤知事後翻成悔。雌守何如學道家。

置薪懸膽敢偷閒。牧馬長驅度玉關。廟壘未降秦二世。墅棊爭起謝東山。酒杯日望兵權釋。衣錦人誰里籍還。隔水桃華雞犬靜。漁舟原不繫凡間。

倫敦會議之前因後果

(一)倫敦會議之歷史背景

自歐戰告終以來。德國之賠償問題。幾無日不甚囂塵上。而英法等國。各懷猜忌。德國又一再因循。此問題迄無解決希望。最近各國對此問題為欲開一互讓解決之途徑。于是乃有倫敦會議之發起。該會于七月十六日。在倫敦開幕。會內所討論及解決各項。極關重要。實為最近時局之一大轉機。茲篇所述。最注意者有三點。一為關於賠償問題爭執之背景。一為倫敦會議中英法或協約國方面之態度。一為德國或同盟國方面之態度。以下將一一敘述之。

倫敦會議之各國代表



從左至右(一)美國駐英大使克洛格 Frank B. Kellogg (二)比國國務總理杜尼斯 M. G. Theunis (三)法國總理赫里歐 Edouard Herriot (四)英國首相麥克唐納 Ramsay Mac Donald (五)意國外務大臣斯特仿尼 Alberto de Stefani (六)日本駐英大使林權助

吾人欲澈底明瞭倫敦會議之真相。欲知英法美各代表在會內所討論之種種問題。究於時局有何影響。則不特須將當前之各方面情勢。了了胸中。且須將造成此種情勢之原因。即所議歷史背景。深悉無遺。然後能知此會之真正價值。故欲討論倫敦會議。須先自巴黎會議說起。蓋凡爾賽和約即係由該會所產生。而該和約實為此賠償問題之起點也。

凡爾賽和約。係根據一九一八年十一月十一日之休戰條約而成。該約內要求德國對於大戰時侵入各地人民財產之

乃實際上之分析。而未經正式公佈者也。

美國政論家西蒙士 Frank H. Simonds 著 蔡受百譯

損失。須負完全賠償之責。德國於此種要求。并未有何種異議。而近今賠償問題之糾葛。實由于英國當時之從中爭執而起。蓋英相喬治氏為各殖民地代表所督促。堅稱人民財產損失項內。須包括戰事以及其他種種費用。因英國在歐戰內人民財產方面。本無多大之損失。若不將戰費等加入。則英所得之賠款至微。故此為英所力爭也。

美國之財政專家。則于巴黎會議內謂。若將戰費等加入賠償總額內。則既違背休戰條約。且實為一愚不可及之舉。蓋德國之財力有限。即令其賠償民間財產損失一項。已有精枯力竭之概。若此外再有所奢求。亦徒費唇舌。終不可得也。是為美國財政專家之意見。但最後美國威爾遜總統。忽與英同意。允將戰費等加入賠償項內。于是協約國對德要求之賠款。較原定之數。增加約三倍。英國在賠款總額內所得者。原定不及百分之四。而今則增至百分之二十二矣。其時賠款總額之確數。尚未規定。乃組織賠償委員會。專討論德國賠款總額及其支配問題。至一九二一年五月。該會始公布其報告書。規定賠款總額為美金三百三十萬萬元。其中戰費等約占二百二十萬萬元。歐洲復興費約占一百一十萬萬元。此

後英國對賠款問題之意見忽有一重大之變遷。以爲德國所能繳付者。無非貨物。而德國貨物之生產愈增加。則愈足以減低英國貨物之生產力。及其營業方面之盈餘。故英國力求賠款總額之擴大。而結果適足以自害。蓋英若向德索取貨物。以抵消賠款。則英貨物之生產將減少。生產減少。則將引起人民失業之恐慌。是豈英國之利乎。

英國既有此新覺悟。于是幡然變計。不復斤斤以取得賠款爲意。且惟恐德從其請。以賠款如約付之。使彼有弄巧成拙之憾。現英之所求者。爲恢復世界。尤其是德國之市場。換言之。即恢復英國一般主顧之購買力。俾其商業無衰頹之虞。故英對德之態度。與前已判若二人。以前惟恐其賠款之過少。百計敲剝之。以致其死命爲快。而今則欲設法恢復德國之實業。與戰前地位相等。俾茲與之貿易而沾其利。天下事變之無常。有如是者。

以上爲英國之態度。而法國之態度。則又不然。德之賠償問題。在法視之。實爲一極關重要之事。因法政府所耗修復毀敗區域之費。截至一九二四年。已達美金六十萬萬元。而比利時政府所費者亦復不貲。故法與比所亟亟者。不在德國經濟方面之恢復舊觀。而在德國之賠償債務。二國中法國欲得賠款之心尤急。且法即不需此款。亦不願德國恢復經濟狀況。以成法政治方面之勁敵。英則急欲觀德恢復舊觀。俾可與之通商。英在事實上決不能取德之貨物。蓋英與德在生產方面。彼此實爲同行。商務上有競爭之必要。而法則能安然享有貨物。因法所產與德所產者。彼此可相調劑而無衝突之處也。英法利害之點。既根本不同。所持態度。自難一致矣。

自英國觀察。若依凡爾賽和約。將戰費等加入德國賠款總額內。則在短時期內。于英人實至爲不利。蓋如此則德國賠償之担負遠在其付債餘

力之上。不啻迫之出消極抵抗之策。除英國實業外。即英法間之外交關係。亦將因此而發生惡劣影響。但讀者須明瞭。此賠償問題糾紛之起。實原于當日喬治氏及其部下未能覺察此種情勢。彼等之所見。適爲真相之反面。不知英之所欲者。非賠款數額之擴充。而爲賠款數額之減少。實際上無意于此筆賠款。所欲者乃德國市場及英國主顧購買力之恢復。世人每易誤會。以爲賠款數額之擴大。皆法人從中作俑。不知此實英相喬治之拙計也。

當初英國力求賠款數額之增加。而法國在巴黎會議內。何以并無反對乎。蓋其時法亦如英。誤信德國付債能力無限制之說。故法之克萊孟梭 (Clemenceau) 不能拒絕英之要求。但美人則深悉此中之真相。故勸英勿亟亟于賠款數額之擴大。當時英若能聽美之良言。則今日此問題種種糾葛。皆不至發生矣。後由凡爾賽和約及賠償委員會規定。德國賠款總額爲三百三十萬萬元。于一九二一年五月。由以前召集之倫敦會議。向德國下一哀的美敦書。強迫德國容納此議。并担任付債。自此以後。賠款委員會乃開始活動。而賠償問題之爭執。延長至二年有餘而不能定者。亦自此而起。此後英法間漸發生意見。最後遂有占領魯爾之事。各協約國已將以前斯巴會議所定賠款之支配。略加修改。新訂之賠款支配辦法如次。法國得賠款百分之五十二。英得百分之二十二。意大利百分之十。比利時百分之八。其他各協約國共得百分之八。此中法與比共計得百分之六十。爲法作後盾之諸國。共得百分之八。後於一九二二年考查之結果。意大利與法比取同一態度。故一九二二年宣布德國違約之國家。所得賠款。表面上爲全數百分之七十。而實際上則爲百分之七十八也。

(二)賠償委員會交涉之經過

賠償委員會實於一九二一年五月起。開始討論德國之賠款問題。按凡爾賽和約之規定。該會須由法英比意美五國代表組織成之。會長一席。永由法國代表担任。遇有贊成與反對之票數相同時。議長有投決票之權。自美國代表退出後。列席者減為四國。此種議長之優先權。遂使法國代表之勢力。足以籠罩一切。蓋法代表祇須得一國代表之贊助。即可自由操縱全會矣。

當賠款總額規定時。世人多已知此數在德人付債能力之外。萬非窮困顛連之德國所能勝任。後於一九二一年。協約國并未向德國要求將此款全數一次付清。但令其繳一部分。惟此款過於浩大。且利息積累。愈積愈多。恐永無付清之望。故德人灰心。且見英法間因各自利害不同。意見日益紛歧。而喬治氏又於其中反覆無常。機謀百出。於是德人對於履行義務。益無誠意矣。當一九二二年秋間。德國忽宣布擬暫時停止付債。無論現金或貨物原料。皆一律止付。是為此賠償問題中之一波折。英人對此要求。并無嚴重持抗。而法則稱此為德國有意之狡賴。立即嚴切拒絕。適於其時。英相路德喬治辭職。波那勞(Bonar Law)接任而法國白里安(Briand)亦下台。普恩資(Poincaré)繼起。自有此一度之變化後。於是法國對德之政策益為堅強。而英之反對則益疲弱矣。

於一九二二年之末。賠償委員會在巴黎開會。稱德國為大戰之戎首。決定對德施行懲戒。投票之結果。意大利及比利時皆與法取同一態度。英



德國外交總長
斯特斯滿
博士

之代表。則袖手旁觀。并未投票。此舉甚關重要。實近來倫敦會議內英法勃谿癥結之所在也。後英國為抵禦此種對德懲罰之舉動起見。乃先於倫敦繼於巴黎。迭得歐洲各國接洽。願於財政方面有所供給。其中最重要之條件。即取消所有歐洲各國對英之債務。祇餘一小部分。英國欠美之債額。該款共連四十萬萬元。但英國此種提議。歐洲三國皆未予以同意也。

巴黎會議既失敗後。法國乃偕比利時向德長驅直入。逕占德國之魯爾。意大利於此舉。似默然認可。而英則不願加入。英相以為若以占領魯爾為強迫德國付債之一種手段。則完全謬誤。但彼并未嘗作正式之反對。且謂願法國得最後之成功。而同時又作悲觀之論調。謂此方法實屬錯謬。雖望其成功。而事實上決不能成功。此英國對魯爾占領問題初起時之態度也。

一九二三年末之情形也。其時各國互相討論此問題。結果乃有專家委員會之組織。以美人道威斯將軍(Dawes)為該會會長。於該年四月。所謂道威斯專家計畫。即研究德國賠償問題之報告。始公之於世。此計畫發表後。傳述及評論之者。不知凡幾。其最精要之點。即使德國對於賠償之担負。不至過重。至使之無從履行其義務。該計畫內規定德國最先自其小之數付起。以後年年增加。直至每年六萬萬元為止。而其付款方法。又經再四籌畫。務使德之現金。不至源源流出。以至擾亂其金融界。且賠款不自德政府預算收入項內直接支取。而另設法於鐵路收入外債

運輸稅等支取。以使其預算安全。政局穩固。綜言之。此專家委員會之意見。以爲若按此計畫而行。則德國不但能付債。且其所付者爲數甚巨。每年至多時可付六萬萬元。與各國所耗於復興之費。相去已不甚遠。若當年訂凡爾賽和約時。英能納美之言。不將戰費等加入賠款總額內。則此數即當年和約訂定之數也。此外該計畫又主張德國對於其本國之土地及實業。須享有完全管理之權。換言之。即法與比不當用武力占領魯爾。當從速將該處之駐兵撤銷。俾恢復德國財政經濟之統一。但該計畫內并未明白述及魯爾撤兵問題。且於德國付債之時限問題。即德國究須繼續付賠款若干年後。方可謂爲付清。亦未述及。蓋凡此皆在該委員會權力以外也。

按倫敦會議內所討論最重大之問題有二。即此專家計畫將如何實施之。及德國將採用何種手續以接授之。若欲解決此二大問題。則最先英法間須有相當之同意。簽訂條約。然後協約國可向德國談判也。

自魯爾被法占領後。有種種問題隨之而起。譬如英國自一九二二年一月魯爾開始被占領以來。素於此事抱不干涉主義。而於該年夏間。忽稱法比此種行爲。違犯凡爾賽和約。英國發表此議。於事實上并未能發生何種影響。不過等於一紙之空言。英之法學家雖謂此舉爲不合法。而法之法學家則自稱爲合法。常此爭執發生時。協約國軍固仍在魯爾也。但英國之態度。自有此一度之變更後。即採用一種新政策。謂賠償委員會祇能討論關於賠償事宜。而不可有管理賠款之權。因法國在賠償委員會內。若得比利時之贊助。即可管理賠款。且可自由宣布德國背約。而實際上比利時惟法之馬首是瞻。故法在賠款委員會內。勢力絕大。英乃有此說以縮小其權限也。此外英國又要求須另簽定條約。以防止如通過

占領魯爾等事。此亦所以防法國在會內之猖獗也。

法國與比利時。一方面接受專家委員會之報告。一方面則又深懼德人將來或有抵賴付債之事故。堅持欲其容納道威斯計畫則可。而欲其放棄對德自由行動之權則不可。當法總理赫里歐 (Herriot) 赴倫敦時。即有人囑彼。不可放棄對德自由行動之權。設德國此後再有違約之事。則他國即不出而干涉。法亦將不顧一切。單獨向德提出抗議也。

此外尤有一點不可不注意者。英國稱法之占領魯爾。有違和約。并謂此等舉動。并不能遂法人欲摧殘德國使之。一時不易恢復之初衷。而法人之意見則與此全不相侔。以爲惟用此法。方可使道威斯之計畫。不至徒託空言。方能使德人遵約付債也。即此計畫書之建議。人道威斯將軍。亦嘗明白表示。謂占領魯爾。爲調息爭端不可少之步驟。彼曾在巴黎公布此意。故法國人民亦多深信不疑也。

(三) 倫敦會議內財政及政治方面之狀況

當倫敦會議初開幕時。英法之意見。相距甚遠。美國代表亦列席。甚熱心盼望道威斯計畫之能實施。而于政治方面各國分歧之意見。則不贊一詞。時隱然操縱此會者。尚有國際資本家之代表。按道威斯專家計畫。彼等于會內。亦將占一甚重要之地位。所謂國際資本家。實即英美之資本家。此會議內所以必須牽入資本家者。蓋道威斯計畫精髓之所在。無非財政問題。計畫內規定借予德國二萬萬元。其中一部分以之整理德國之金融。一部分予法國。以應其國內之需要。而法與德之所以願接受此計畫。其中最大之原因。即欲染指于此款。故在倫敦會議內。具有實力可以操縱全會者。非高坐堂皇之政治家。而爲隱于背面之資本家。此會內所以不能不牽入之也。

不特德與法也。英于財政方面。亦未嘗無關係。若一旦市面上發現二萬萬元之巨款。則英將居于保護債權人之地位。若法復有占領魯爾之事。則一般債權人將立起紛擾。蓋此舉足以妨礙德國歸還債權之本及利息也。故結果因金融方面之關係。將來無論何國。皆不能占領德國尺土寸地。于德人之能不背約否無關。蓋一般銀行家。不論德人背約與否。彼等祇知保護其債權人。不知其他也。且德人若有背約舉動。無論係出於有意或迫不得已。而法人占領德地之足以影響債券固一也。今英既居于作護債權人之地位。故決不能允法人對德有自由行動之權。但法與比在原則上雖願接受道威斯計畫。而又堅執不允放棄強迫德人付債之權利。于是雙方談判。極感困難。一般輿論頗抱悲觀。倫敦會議幾毫無結果之恐慌焉。

戰後十年之德法親交



德國人
和法國
人說道。
我們鄰
居是好
鄰居。大
家再來
親熱一
下吧。

各銀行借予德國資本之安全。故有此雙方兼顧之辦法也。此互讓之協約訂定後。賠償委員會之權限。已較前縮小。若發生德國違約問題。則此事將歸法比英意代表會同美國代表決定之。如此則法失其控制全會之利益。蓋委員已由四人而增至五人矣。如委員會對此問題不能得一致之同意。則會內任何會員。可提交公斷會判定之。公斷員計三人。其一係美人。永為該會會長。其餘二人皆自中立國內選出。於各方皆無偏袒。三人皆由賠償委員會一致同意選出。如不能一致同意。則由海牙國際法庭主任舉定。

此後大半以美國調停之力。英法雙方訂定一種折中辦法。其目的蓋欲保護債權人利息之穩固。此種互讓之協約。其大旨即係使法國無任意宣布德國背約之權。俾使資本家有一層保障。換言之。即法國不能單獨決定德之是否背約。及背約之是否出於有意或迫不得已。但一方面將來德國背約之事。果被公衆承認。則各國無權要求法國。使之含棄對德單獨進行之權。此蓋因各國對德存投鼠忌器之心。不願與法取同一強硬態度。以致影響於

數之意見。則法與比仍能自由行動。此新制度仍不能束縛之也。故實際上法國在此新協約內所讓步者。即係將德國背約問題。多添一層提交公斷會之手續。如此則法不能不顧一切。故意稱德國背約。而實行其武力摧殘之野心。英國於此層之疑慮。可以打消。一方面若德國見法有此

今試假定若德國竟被指為不依據專家計畫履行義務。則在此新制度之下。將發生何種現象乎。其時賠償委員會內固有美國代表列席。但彼即與英國取同一態度。否決德國之背約。仍不能變更會內之情勢。因意及比將與法取同一態度。以三對二。則法之意見仍為大多數之意見也。但其時英國代表可提出抗議。則此問題將付諸公斷會議決。若該會竟順從大多

屬束縛。以爲有機可尋。故意不履。行專家計畫之義務。則中立派之公斷會。將不加寬恕。公然宣布其違約舉動。其時法仍可自由行動。故法對德之疑慮。亦可取消也。總之。此後往國若循規蹈矩。不作非分之想。則法國已有相當之束縛。德即可受倫敦會議之保護。若德稍存野心。則此層保障。立即消失。此乃顯然之情勢也。此後無論英國或國際資本家。皆將與法不能如前之合作。因英國及資本家二者之目的。皆不在德之賠款。資本家之目的。在債券本利之安全。英人之目的。在恢復其主顧之購買力。法國若因德背約而占領德境。則于資本家之有害。已不待言。即于英國在政治方面。亦終覺凶多吉少。但國際資本家及英國政治家。若欲使法國貼然放棄其強暴之行動。則除非彼等代德人担保付債。或于德人不能付債時。由彼等代爲償清。否則欲法輕棄其武力政策。乃不可能之事也。

英相喬治及麥唐納 (Ramsay Mac Donald) 皆曾先後在衆議院宣布。謂英國對于法之以武力對德。固極端反對。但凡稍悉法國國內情形者。無不知若赫里歐于外交上。再作較甚之讓步。時將蹈白里安之覆轍。因其過于屈從。而不能安于其位。如此則倫敦會議即推而至于專家計畫。

中俄商約之將來

中俄正式會議。現時雖在停頓之中。而預計時局稍定。開議期間。當不在遠。其中關於將來中俄商約之修訂。自亦占重要之部分。從前中俄通商適用之中俄陸路通商減稅辦法。其性質上既非平等互惠。根據中俄解決懸案協定大綱第二條規定。當然在廢止之列。嗣後關於未來之中俄商約。應取之方針如何。當局與人民。均曾有若干意見發表。我國從前與

畫。將全功盡棄。無數政治家及財政家所慘淡經營者。皆將化爲烏有。故英不用獨行其是。致推翻全局。但麥唐納一方面固嘗切實聲明。謂英政府對於法國占領魯爾之舉。終認爲不合法也。

由上述情形觀之。可知英法協約已不成問題。此後英法間之交涉。縱有困難。亦不難化險爲夷。美人楊格氏 (Owen D. Young) 于專家委員會報告書。亦極有關係者。將任爲該報告之管理人。此外雖尚有數疑點。須待將來公決。但麥唐納嘗以心腹示人曰。現吾人與法態度已趨一致。更無有可以離間英法間互相諒解之誠意者。於此可見英政府躊躇滿志之概。即法國方面之輿論。雖無如此明白之表示。而恫嚇或憤激之言。固無有也。是可知英法同盟。已無破裂之虞矣。


當倫敦會議緊急之時。美國國務卿許士在倫敦及巴黎。嘗明白表示美國極端讚許專家道威斯將軍等所制定之計畫。謂爲歐洲和平及復興之起點。會議內又有美國代表列席。於是使英法之協約。益爲鞏固。但英法同盟。最後須視二國當局之個性如何。及相互間之同性及信仰以如何而定。試觀英法間之交誼。垂絕而復續者。無非麥唐納半年來之苦心孤詣。及赫里歐百端不撓之態度。有以致之也。

記者

各國修訂關稅協定。因歷受條約之束縛。不能伸縮自由。對于貨品不能分別需要奢侈。按類定稅。于經濟原則。既極端背馳。于國家主權。損害尤多。國人忍痛數十年。至今仍未有改正之望。故于今後中俄商約中。關於關稅稅則之訂定。罔不圖力懲前失。以求真正之相互平等。查中俄解決懸案協定大綱第十三條之規定。兩締約國關稅稅則採取相互平等主

義。惟所謂相互平等。有至堪注意者。通常相互平等四字。在條約上之解釋。有兩種意義。一為兩締約國商務稅則等事。均按照彼此相待最優之國辦理。二為兩締約國商務稅則等事。均彼此按照計在國本國人民。一律待遇。但俄國經濟政策。本不許私人營商。新經濟政策施行而後。雖許私人營商。而捐稅特重。苟彼此按照相待最優之國辦理。結果恐祇有中國優待俄人。華人未必能要求俄國優待。其情形仍與前清與各國所訂之商約。無所異殊。故以上解釋之不能適用。更無待言。最近農商部咨外交部文內。關於稅則之厘訂。及到達相互平等之辦法。均有具體之陳述。洵可為留心中俄商約者之參考也。原文如下。

為咨行事。准咨開。中俄解決懸案大綱協定之第十三條第十四條等。係與貴部職掌有關。咨請查照妥籌辦理。見復等因。茲將本部意見開列如下。關於第十三條。我國關稅稅則。歷受條約束縛。成為一種片面協定。影響主權。莫此為甚。該條條文。訂明兩國關稅稅則。採取平等相互主義。同時協定等語。用意甚善。至從前中俄陸路通商減稅辦法。原非平等互惠。當然根據協定第二條條文。概行廢止。惟此項平等相互主義。須用何種辦法。以冀實現。本部以為將來中俄會議訂立商約。關於稅則款條。似可採取概括主義。不必逐條列舉。作繭自縛。但於商約內。訂明兩締約國人民。輸運送出口貨物。應分別需要及奢侈等品類。彼此採用一定比例率徵收關稅。其詳細節目。由兩締約國內部法規定之。又訂明兩締約國所產生或製之貨物。不論經由何人輸運。進出口一律按照前項規定之稅率。徵收關稅。除因抵補各項內地稅捐。得另徵半額關稅外。其餘彼此不得重徵及另立名目加以苛稅。又訂明兩



大俄使加拉罕

締約國如為互換經濟利益起見。於某項貨物輸運進出口。有減免之必要。得由兩締約國政府隨時協定。酌擇某項貨物。互相減免應徵之稅款。又併須另附換文。訂明新約訂定之關稅。於該約訂定批准後三個月或六個月。彼此同時實行。在此項新訂關稅未實行以前。彼此共同適用兩國間比較從輕之一種現行稅則。蓋緣我國向受關稅協定之限規。不論何種貨物。均收同一值百抽五之稅。於奢侈無益之品。不能加重。殊違經濟原則及各國通例。今對俄既以平等互換為主。另設局面。正可藉此脫離以前之束縛。為分別貨物之品類。訂定稅率之大綱。又若彼此完全自由。訂定稅則。俄國戰後新造。政煩賦重。且彼不承認商人一階級。其所定商稅。必甚苛重。而我國種種關係。勢不能與之同等抵制。是華貨往俄。其稅較重。而俄貨來華。其稅較輕。雖可與訂明彼此不得超過所在國人民應納之稅。以免偏歧。而彼此國定稅率。輕重懸殊。總仍未能真正互換平等。況我國不能直接輸出。則對俄輸出之商人。縱與我人同一納稅。亦仍徒利外商。而決非華商所能享受。彼此實未能平等互換。故必須訂明彼此採用同一比例之稅率。不使彼得任意訂定過重之稅率。且不僅對兩國間之商人而言。併對兩國間之商貨而言。籍以補救間接輸出。偏苛不平等之弊。又俄國蔑視商業。輸出入均由官廳或公共機關經營。其對於官營與商營之物。美待遇極不平等。故必須訂明。不論是否官公營業。均用同一之稅則。以免對我商運各貨之獨苛。又俄國與商人營運各貨。另有執照捐及苛重之營業稅等類。故必須訂明不得另立名目。苛稅重徵。祇可如我子口半稅之例。併入關稅。可期彼此一律。并免種種煩苛。又新約所訂自由製定之

稅則。必須定一同一實行之期限。且在此期限以內。仍不得令彼此輕重參差。庶可督促實行。而免無期延宕。徒增財政及商業上種種不平等之損失。此等提案。能否完全順利。固未敢必。但苟以此立定標準。彼有拒我者。我亦有以抵制之。總以不背協定大綱之平等互換為指歸。自可免蹈以前之覆轍。而轉日後之新機。至庫倫現由俄人設卡苛徵。似應於會議訂約前。速先嚴重交涉。要求撤卡。不能候至接收外蒙以後也。關於第十四條。查自俄亂以來。旅俄及沿邊我國商民。橫被焚掠殘殺苛徵捐款。沒收貨物。強勒服役等事。迭據各處具報。均經本部先後咨請核辦有案。其中所有無遺漏及未經分行者。容再查明。另文抄送。所有關於調查我國商

民因俄幣損失各案。經各省地方官廳及商會先後具報損失數目。亦經本部逐案咨行貴部在案。自俄事協定後。本年六月間。財政部將各處調查俄幣報告彙編成冊。會同本部咨送查核辦理。並函復國務院查照備案。各在案。以後如有各處續報。自當隨時咨達。中俄既已協定。我國各地商民。因該國內亂。致生命財產橫遭殺掠。並乘機強迫拉捐。任意沒收貨物。受害甚烈。至所受俄幣損失。影響我國商業關係。亦甚重大。迭據各商民呼籲。紛請案償。會議之時。自應一併嚴重交涉。以慰羣望。而恤商艱。以上所擬辦法。可否照此進行。相應咨請貴部酌核辦理可也。此咨外交總長。

中國影片界消息

一得

「人心」影片出映以來。頗博得輿論之好評。其成績大半由于用弧光燈攝影。故現時各中國影片公司紛紛置辦弧光燈。以相競勝。

明星公司之攝影場。地基已經覓定。業着手動工建築。聞地址在愛多亞路。約有數畝。為該公司股東經氏之產。中國影片公司自建之攝影場。當以該公司為最先云。

中華影片公司劉正準備開始映製影片。其第一次所製之影片。將取材于嚴獨鶴所著之小說「玫瑰花」(曾刊登于紅玫瑰雜誌者)。

百合公司之攝影場前因地土鬆動。從事改造。刻已用水門汀砌就。將次竣工。「採茶女」後之影片將由管君海峯主任導演。刻正籌備一切。演員業經着手訓練。聞將攝一偵探片。


蘇門答臘西海岸之土人

T. K.

南洋蘇門答臘島之西部海岸。有土人繁殖。族名梅諾卡蒲斯。人口約百五十萬。其地土壤肥沃。人民勤樸。務農自給。非若其他熱帶土人之專恃

子。惟婦女自欲參加會議者。亦得預會。與男子有相等之發言取決權焉。梅諾卡蒲斯人之房屋。其形式皆相類。屋之前部。爲一通長之室。乃家族

天產豐饒。終身游惰也。其民間豐阜之景象。殊類亞洲其他諸農業國。惟其家族財產諸制。則迥不相侔。梅諾卡蒲斯一語。意爲伏牛。據斯土故老相傳。古有異鄉人。船載一牛泊此。初甚和翕。迨牛既馴壯。巨角嶄然。是人忽侈言於衆。謂其牛無敵。若有能敗之者。當悉以船中所載財貨與之。否則彼當王茲土。土人諾之。而期以七日。於是乃密製一



梅諾卡蒲斯人產業。除土地牲畜而外。大都皆爲珍寶之屬。婦女大都以美國二十元之金洋或英之金鎊。貫索繫之項下。此外則有金質環釧簪釵約指之類。婦人之衣服。於喜慶節宴之時。皆燦爛奪目。飾以金銀色澤之線。在昔此固其所常服。但今以歐洲布料輸入及金銀色綫難得之故。舊物彌覺珍貴。惟有事時始御之。年輕之婦女。則僅得

棉製之裳服矣。

梅諾卡蒲斯人之婚禮。於婦家行之。屆時村鎮之頭人咸臨作證。先舉行回教之禱告式。誦回教聖經。次由教師向新夫婦作簡單之問答。先詢新婦是否願否以此爲夫。新婦既答。乃轉告新郎。以此婦歸之。並及奩資若干。新郎于此。當答以諾辭。既畢。女家即張筵席。以饗賓客。繼以跳舞筵

從母系。凡一母所傳之家屬。常聚居一屋。或毗鄰而居。每一屋中選一男子。爲其族代表。對於諸姑及諸姊妹之子女。盡撫育之責。承此職者。大都爲族中家長婦女之兄弟或其長子。血統相近之家。復合而爲族。其代表男子。共理族務。更由此諸人遴選一人。以爲一族代表。參與部落之集會。是故在家族或部落會議之參與者。皆爲各族酋長婦人之子弟。而非女

宴爲日久暫。視其家之貧富。或至七八日之久。筵時以新婦爲主賓。伴娘輔之。無預其夫事。賓客列坐牆下。以指撥肴而食。不以箸。亦無注意於新郎也。婚後第六日。新婦循例出謁戚族。隨帶糖食果品。按戶敬客。其有食而未盡者。則可攜致後至之家。是日並至其夫家。夫家亦張筵延客以待。



梅諾卡蒲斯人之婚禮

然賓客於新郎固仍膜然。與女家等新婦亦如此。惟當新婦歸時。新郎則當隨以俱。而謀宿所。梅諾卡蒲斯人之離婚。其手續較結婚爲簡。約如土耳其人。男子得二頭人爲之證。即可向婦人聲言離婚。手續如是。即備若既離異後之夫婦。於離異後百日內。欲重成夫婦。則仍可結婚。婚後可復離。離後亦可復婚。惟至第三次離異之後。其婦可於另嫁他人。離異後

始允復結爲夫婦焉。

梅諾卡蒲斯人之治業。男女各有所司。種稻收穀織布以及採售果蔬諸事。婦女司之。修屋築宇。耕田補堤諸事。男子司之。界限分明。不相爲理。即親如夫婦。雖一舉手一投足之勞。非分內事。皆熟視不相助。蘇門答臘西海岸。幾于每日皆雨。稻穀全年可繼續施種。以故梅諾卡蒲斯人男女。工作亦終歲不絕。平居男女鮮相聚合。道路間常有婦女相聚談笑。而男子則喁喁獨處。或僅二三爲伍而已。

梅諾卡蒲斯人之信回教。垂數百年。但今亦信其他鬼怪魔魘諸術。常以巨價向巫師購求置符籙之小布袋。懸諸項下。或腰際。謂可以辟邪避病。其巫師自言有神附身。能以鍛紅鐵鍊纏身而不傷。以劍自刺而不血刃。更能以術治鬼怪疾病。更有其他邪說。其荒誕亦大率類此。蘇門答臘常地震。而梅諾卡蒲斯人自謂有術魔禁之。謂地形如蛋。附於一巨牛頭頂兩角之際。牛搖其首。則地隨之而震。故遇地震可疾奔出屋。執銅盆猛擊之。則巨牛當聞聲靜止。而大地之震動亦已云。

梅諾卡蒲斯人初力拒白人之侵略。迨當此百年之前。土人有自朝回教聖地麥加回者。力意欲統一種族之宗教。排斥異端。異教中人乃起而反抗。卒召荷人爲助。與統一宗教派戰。戰事既畢。與荷人立約。年貢荷人以咖啡若干。酬其保護之勞。其後復停貢。一九〇七年荷人圖改徵租稅。十

一人又叛。荷人乃以兵力壓平之。斯土至今。遂完全淪於荷蘭之版圖矣。

國際間了解之要素

美國杜威博士著
炎 譯

旅行之益甚大。其受感化之程度。恆與其旅行各地文化相差之程度爲比例。兩地文化相差愈遠者。其學問之機會愈多。兩地相差無幾者。所能受旅行之益亦極微。然愈不同者。欲爲領悟愈難。蓋吾人每以既往之經驗。爲現在新事物之標尺。舊日之經驗。與今日之見聞。相去過遠者。其相拒亦愈甚。而先入者爲主。吾人往往以既往之經驗。屏新受之智識。故旅行之人。常恃坐井之見。則世界之大。每不得其要領。所幸者。人類天性好奇喜變。每見不同之事物。異於其所習見者。好奇之心。使之前進。見宮室之壯麗。都會之繁縟。野景之夙畫。雖對之並無若何之了解。未有不盎然生趣。手舞足蹈者。故旅行之徒。可分兩類。一類之人。對於新者無迎受性。亦無批判性。惟覺其與舊者相反。及與已生興趣之物不同。故遂不覺其有興趣。嘗仇怨異方之人。因其不能了解彼之言語。若是類人。旅行之際。靡有滿樂之日。及其既抵舊廬。遂有歸止天堂之樂。其他一類。喜探討新異之物。旅行之際。充滿喜悅之精神。然是類人者。僅以其異邦之文物林景。供其瀏覽之資。充其極致。僅足等影片中之風花過眼。祇爲浮面之賞鑒。而未嘗考察入裏也。第一類之行旅。於國際間之了解。絕不能有所貢獻。旅行既歸。覺自國超越他國之心。較之未游歷時。更爲堅信。輕視異族。阿好同類之執見。遂與之俱長。第二類之行旅。於國際了解。稍有裨助。其歸國也。帶有融恰之胸襟。覺異國文物。亦有美趣。其心情遠博。見聞廣洽。爲國基交睦之基素。然是類融恰。僅發於情感。而非真正所謂了解。其所得甚淺。一旦兩國交惡。友誼生玷。向日融洽之情緒。能一變而爲憎惡與戒懼。故吾人所欲考究者。與鄰國接觸。如何而能達真正之了解。旅行者

特接觸之一例。嘗有靜居不好旅遊。然能與他國人民間接接觸。讀書閱報。是謂冥想之旅行。亦嘗有好憎之心存其間。或爲紙上之外國文物所吸引。或與相拒。或起奇念。或生好感。或發同情。或以爲除與外國交通貿易外。無他可與。若是類者。又將何以溝通其情懷。促進國際之了解。此實世界和平上之重大問題。蓋所謂了解者。不僅保證相互之和好。縱不能禁止兩國惡感之發生。而能必信有和平調處之可能。決不至爲感情所衝動。引起國民之疑雲怖陣。何則。其所了解。不在浮幻之感情。而在清定之智理。東方與西方文化之較。頗有可注意者。西方人之來遊東方。聞泰東泰西之名詞。盛傳於日本與中國。頗爲驚異。又嘗聞所謂泰東文化者。偏於精神。泰西文化者。偏於物質。西客對之不特驚異。且如受震。而東方人津津道之者。且奉是爲公理。方信西人亦同然是說。不知西客之見。適執其反。將謂西方之文化。實偏精神。東方之文化。側重物質。且舉多例以實之。然吾爲是言。非斷斷辨東西文化之優劣。蓋以顯國際了解之不易。並以見西方文化物質之中。更寓有精神方面在也。茲篇所論。當進詳於此。東西文化性質之定論。余有兩點。須先聲明。一所謂精神與物質者。標準何在。東西人之見解不同。所執遂異。余雖非能代表東方人之所謂精神文化者。何指。然亦稍習聞之。東方人嘗謂西方人忙碌活潑。而其獎誘活潑。尤超越其他。不喜清閒。沉思冥索。靜觀宇宙萬物之美化。默會文章美術之精義。非西人所習。然西方所造美術之精麗。文學之優華。亦爲東方人所折服。然東方謂非西方文化之正幹。而實其附枝。西方人正本之生活。爲流動。其反面爲躁亂。爲擾攘。心不得休養之機。志莫有寧靜之日。

自東方人之人生觀視之。終日營營。似非人生之當然。此東方人論西方文化偏於物質之大旨也。

而東方人之所謂精神者。猶含有玄想之意。嘗以之爲東西文化軒輊之判。所謂靜思默想。優游以樂。不好與社會政治商業相接觸。而以膏盲泉石自鳴者。自余視之。直爲卑德。美學中之邁涉萬有。神遊宇宙者。與茲不同。是爲美德。西方人之所謂精神方面之文化。則異於是。東方人所謂精神文化之要素。雖非在西人除外之列。然僅其次焉者。西人之所謂精神文化。傾重倫理。較之美學爲尤甚。服務同類。熱心公益。促社會之進步。等等美德。西人所認爲精神上之文化也。犧牲個人之娛樂。以爲公衆之利益。實西方精神之要素。西人執此見地爲標尺。以衡東西文化。宜其論斷與東方人相反。謂西方文化爲精神方面之文化。蓋在東方文化中。實不能有此同類之公德。東西人所認文化標準之不同。遂召國際了解之困難。西人之活潑與忙碌。在東方之清閒與休養之眼光中。自覺染有物質主義之色彩。而東方人之沉穆靜訥。耽嗜美術。在西人以倫理眼光視之。又屬於物質。蓋以其近於自利。兩者之中。無有同一之標準。故其論斷。不能相遇。適以互揭各方之所短。而將真所衷。是惟有一言足以爲斷。兩者之論。皆執一端。各有其一部份之真實。所謂精神方面之文明者。兩方之所舉。皆具有之。而吾人同時可知標度之差異。欲求雙方互解之不易也。以上爲余所欲言之一點。其第二點則非哲學上之問題。而在心理學上極爲重要。不同文化之人民。其批評異種之文化。恆從其外表立論。至於其自察。則能表裏互透。此類判斷之錯誤。實出自然。甚至不能免。蓋吾人之觀察他人。必先與其表面相接觸。而後漸入其裏。而其外表之中。又必其新異者先觸吾眼簾。其與吾相習者。每易逃吾人之注意。山川景物

之不同。建築什品之別緻。與夫語言聲彩之迥異。最易動人目而入人耳。故自一國文化之外表觀察甚易。而必有偏誤。而欲不爲外表所蔽。直從其內蘊之精神下斷。又極難能。浮躁之人。觀察異國。每於其人民外服之下所藏何物。有不能夢見者。即老於觀察之人。亦必習時既久。與彼方人士相往來。參考其歷史。熟悉其美術文學。與夫一國英雄四時節季。更習其禮讓態貌。然後測斷其肉身之中。所含精神果何若也。一方之士著誕牛於四周景物之中。此四周之景物。即形成此一方文化之精神者也。自幼而長。與此精神調和育化。轉而忘其四周之景物。而外之來者。祇見其四周之景物。而不見由此所產生之精神。故長於斯。育於斯者。必自成其一方之精神。即有本土之人。而久役於外。其所能領會此方之精神者。於久長於斯所能領解者。猶有不同。外來之人。往往讚賞流連於其人民之文物。而究未悉其人民可貴之點果何在耳。一國之歷史。即一國之背景也。外人覽之。將以之覘風俗人情之大端。然謂足以助國際間之了解。則猶未能。不特未能。且猶阻之。吾人歷史之智識。得自學校之講室內者居多。恆偏於本國之歷史。外國歷史。所授甚鮮。即以美國學生而論。其讀希臘羅馬之歷史。較之現在歐洲各國歷史。更爲注重。本國之歷史。故當加潤彩。激發學生愛國之熱誠。結果所至。每養成惟我獨尊之心理。此實國際間了解絕大之障礙。且歷史所述。僅及人民之外表。內部精神。莫由顯示。故縱有真實之歷史。亦於國際同情與了解上無所裨益。更有歷史祇叙一國之政治變化者。其注視點。僅在朝代之變更。君位之遞授。而於一國之民生實計。則略而不及。是重在浮面之變遷。而未嘗探入人民生活之內景。近頗有歷史專家。專紀民族之歷史。以別于政治歷史者。然在政治歷史之中。關於科學藝術之發明。宗教文物之盛衰。類付闕如。攻城略

戰之事。史不絕書。梟君鷲將之名。充斥紙面。而科學發明家。藝術改造家。文學改革家。甚至發現自然界秘密之人。名不著於冊乘。爲一二人之家傳。而非一國社會之寫真品。余宜謂歷史不特不足助進國際間之了解。且足以妨礙之也。故作史者。不可不慎。不僅載叙其外表。猶須寫述其隱於外表下之背景。然後可以使覽者。深察人民信仰能力願欲之源。無如今之爲史者。祇知擴大外表之面積。而未嘗增進觀察之深度也。頃茲所論。似於西方文化物質與精神之別。無所干係。而實則相關蓋最易觸外人或遊客之注意者。厥惟物質方面之文化。以其顯著表面。印象于人之感覺者最深。而于生長是方之人。其視四周景物。實不啻爲天然界之一部。雖日常生活。刻刻相需。而不認卽爲生活之自身。西方文化之外表。足以引動觀光者之注意。尤以物質方面爲最盛。卽以美國而論。來遊是邦者。見車站之林立。鐵道之網布。汽車電車之梳織。與夫工廠烟肉萬橋矗立。電話電機應用廣便。未有不驚奇咋舌。嘖嘖稱羨者。是誠西方之所謂物質文明也。又或來遊之人。苟非身爲教育家。或關心教育之人。必願參觀工廠銀行之設備。而不願參觀學校或大學之制度。卽有進者。必是校之建築陳設。較之師生之精神。易受觀客之稱賞。有遊空谷以謁愛茂生叔洛之故廬。歷劍橋以訪郎菲羅傑米云之舊墓。（皆英美文人）者。殆視爲無聊之舉。遊客習例。大抵除參觀工商業外。或一涉足著名之區。如浮龍山。如華盛頓波斯頓。紐約之圖書館。然亦僅與車站旅館之煊耀。同類而視之。其得于旅行之益者。較之靜居簡出之人。無所與別。西人之來遊東方者。尤以吾美人爲最。嘗覺美國之戰艦。與造產之機器二者。誠足以深印東方人之腦中。此科學方面之活動。殆卽東方人之所謂西方文化之表現者也。近數年前中國留學遊學西洋西洋者。所抱目的。卽在學

習西方之科學機械。以爲能得西方農工出產機器之奧秘。益之以法律政治外交之學識。中國于是強矣。然細察西方文化精華果何在。則知此種見解。當爲大謬。此實無怪其然。蓋商業也。戰器也。實爲西方文化中最足動人注意引人企欲之物。他如美術音樂文學。其性靜默。故不易遠販于國外貿易之場。一國外交。於商業經濟常有關係。而于文學藝術。可謂風馬牛不相及。故又難附外交政策以遠行。東方人其所注意在彼。而不在此。宜其指西方文明爲偏於物質。而自認其土產之文化爲注重精神也。雖然余並非謂其完全不確。以比較言。科學之發明。機械之應用。在西方生活之中。誠多于東方人之生活。卽由此端。西人之生活。每有營業及機械之先天化。而沾染有物質之色彩。以美國而論。其所貢獻于文學藝術音樂圖畫等者。不及歐洲各國。而于應用科學。發明工業運輸等。則多讓。且猶過之。至于慈善事業。公衆利益。提倡教育。增捐大學。圖書館。則惟吾美人在先。其立國甚新。文化雖能廣播。而植基甚淺故也。余非否認西方文化之物質方面。實謂物質之中。猶有精神之方面。每爲人所忽視。而實與西方事業之成功。有至切關係。余所謂精神方面者。指自然科學之精神。卽所謂科學精神。與工商業之社會方面。科學精神蓋與實用之科學有別。工商之社會方面。蓋所以淪發公衆精神而使社會服務成有實効者也。東方而欲効西方者固多。然僅取實用之科學。則可以爲善。可以爲惡。其在西方。實用科學常以科學之精神及社會服務相伴隨。學其表。而遺其實。爲害尤無窮也。

（完）

戰爭爲人口增多生產缺乏之結果

馬君武

孟子曰天下之生久矣。一治一亂。世人習聞其說。以爲亂極必治。治久必亂。理所必至。勢所固然。而戰爭遂視爲人羣所應有之事矣。

墨翟於二千餘年以前。著非攻篇。爲世界反對戰爭論之鼻祖。其闡揚戰爭之害。頗爲詳盡。而未識戰爭所由起之原因。及英國生計學家馬爾泰斯 Thomas Malthus 一七九八年著人口論 Essay on the principle of Population 闡明人口依幾何級數。食物依算學級數增加之理。達爾文因之以成其天擇物競之說。爲十九世紀之極大發明。顧無有推其說於戰爭者。吾謂人口增加。生產缺乏。雖非戰爭之惟一原因。而就人羣歷史觀之。是必爲戰爭最重要之一種原因。則無可疑也。

例如依幾何級數增加之人口如下數

$$2+2 \times 2+2 \times 2 \times 2+2 \times 2 \times 2 \times 2 \quad \text{末項爲十六}$$

依算學級數增加之食物如下數

$$2+(2+2)+(2+2+2)+(2+2+2+2) \quad \text{末項爲八}$$

假設人口每二十五年增加一倍。則是經一百年後。人口與食物本爲一與一之比者。至是已爲二與一之比矣。人口增多。生產缺乏之現象。爲失業與貧乏。其結果爲弱者轉死溝壑。強者起爲盜賊。歐洲政治家。知其然也。故慎察失業之人數。兢兢然爲謀救濟方策。消極方策爲謀社會卹助。積極方策則爲擴張促進生產事業。所謂國民生計政策（又名經濟政策）是也。若是者。尙不能免變亂與革命。在中國則爲政者全不顧及生產方面。一聽人民之自生自滅。二千餘年以來。遂以極殘酷之手段。卽戰爭爲解決人口問題之惟一途徑矣。

俄國 Kropotkin 著法蘭西革命史。完全以生計原因解釋法蘭西大革命。命爲法蘭西諸革命史之別開生面者。惜中國歷史家無此種眼光。國民生計狀態。向無記載。徒爲一家興廢之私史爲已。

所謂中國以極殘酷之手段。則戰爭解決人口問題者。乃當百年或數百年。人口增多。失業人增多。貧民流離盜賊蜂起之時。屠殺人民至一定程度。其最桀驁狡猾者。遂代起爲皇帝。號爲聖祖神宗。其次等者爲功臣。封公侯王。如是者又苟安百年。以至數百年。中國戰爭每與屠殺相伴。屠城之事。史多書之。不勝枚舉。更有屠省者。如蒙古及張獻忠之於四川。是蓋世界戰爭史中所無之慘例也。

往事姑不具論。予僅就中國最近歷史言之。今中國固遍地皆匪。遍地皆兵矣。人民何以樂於爲匪爲兵。因窮貧也。何以失業。因失業也。何以失業。因是近百年生產事業起大變遷也。農學不興。農具不改。則北美之麥粉南洋之米。多量輸入。而農民受其打擊矣。外國之機器紡紗織布輸入。則內地全部紡紗工人失業。一大部分織布工人失業矣。外國機器製針輸入。則內地全部製針工人失業矣。外國新法製鐵製鋼輸入。則內地大部分製鋼鐵工人失業矣。德國化學藍靛輸入。則內地地種藍靛人大部分失業矣。外國精製糖輸入。則內地地種糖製糖一部分農工失業矣。其他種種。不勝枚舉。總而言之。則百年來與歐美通商以後。彼以其科學機器所成產物輸入。中國生計界遂發生絕大危險。中國向無失業人。貧民統計。乃貿貿然不知其情狀。執政者亦不知生計政策爲何物。其結果至於今日。兵戈遍地。盜賊滿山。擁兵之南北軍閥。尙欲以向來最殘酷手段解決

此問題。民國成立。十三年以來。內爭不絕。爭地以戰。殺人盈野。豈不痛哉。豈不痛哉。

解決人口問題之惟一方法。爲保持平和。增進智識。以求得新生產事業。此非書生迂論也。流水者古今無用之物。以助愛美者之風景而已。日水動機發明以後。乃以發生電力。今爲工業界之至大原動力矣。空氣者。古今無用之物。以供人類之呼吸而已。自空氣裝硝法發明後。以爲肥料。可照增加農產物數倍矣。況歐美生產新方法。吾國採用。不及百一。及今努力。可以活人無算。不此之務。乃徒事內爭。日務破壞。私人自殺有罪。今乃爲國家自殺。豈非大下之至愚乎。

數年以來。予飽見南方戰禍。兵匪不分。殺人焚城。備極悲慘。乃決然舍去。逃之鄉間。欲譯書種地。以畢餘年。今則戰禍起於全國。槍聲迫於耳鼓。哀哉吾民。逢此大劫。夫復何言。括錄墨翟非攻之言。以贈之。

：晉有六將軍。而智伯莫強焉。計其土地之博。人徒之衆。欲以抗諸侯。以爲英名。攻戰之速。是以三主之君。一心戮力。辟門除道。奉土興士。韓魏自外。趙氏自內。擊智伯大敗之。今以攻戰爲利。則蓋嘗鑒之於智伯之事乎。

黑翟又言

：斯役以此飢寒凍餒疾病。而轉死溝壑中者。不可勝計也。此其爲不利於人也。天下之害厚矣。而王公大人樂而行之。則此樂賊滅天下之萬民也。豈不悖哉。（轉錄申報）

獨家經理 德國新發明

橡皮曲線規

得心應手 妙用無窮

誰都知道圖畫中曲線最美觀。誰

都知道圖畫中曲線最難畫。以前

的曲線規。是硬木的。一塊是一

第塊的樣子。用時每每不能如意。

一現在德國新發明的橡皮曲線規。

種統共只有兩種。却能變化無窮。

你要它怎麼便怎麼。如果你要購

置。請到 上海山東路二

零二號國聞通信社

第 二 種

國內外一週大事記

由十月十六日至二十三日

(公展)

(一) 國外之部

▲英國政局。英國國會既遭解散。新選舉定本月二十九日辦竣。各政黨現方從事於政權之競爭。實為英國政局此後變化之關鍵。現政府首相工黨領袖麥克唐納氏既於十二日在格拉斯戈開始其游行演說。十四日一日之間。計行二百英里。發言於二十三處之會議。連日又到處演說。十七夜到阿白拉芬。羣衆歡迎之盛。達於極度。麥氏形容疲倦。自稱生平以此次為最勞頓。然麥氏猶對衆作數次之短簡演詞。其邁往無前之氣概。可見一斑。保守黨領袖保爾溫氏與自由黨領袖愛士葵喬治二氏。亦均有詳盡之演說。綜目前形勢以現。保守自由二黨顯有携手以抗工黨之趨勢。蓋保守與自由兩黨鑒於上屆三角式選舉競爭之有利於工黨。此次非先協定兩黨互讓之策。決不足以制勝。故三角式之競爭。大概僅有二百十處。比上一年約少六十處。此事當至使工黨受一打擊。然據首相麥氏之演辭以觀。則謂此互為政敵之二黨。轉相聯合。共拒工黨。實非正當的舊式政治手腕。要知彼等愈聯合。則工黨獲利愈大。又謂自由黨與保守黨之聯合。未必能如院內併合之發生效果。即使能之。工黨亦不妨下野云云。可見彼國政爭。完全以光明磊落之手段出之。迥非我國所可比也。就第一星期各黨之選舉演詞觀之。保守黨抱勝利之最高希望。根據愛國理由。痛攻工黨。邱吉爾曾以紅旗對國旗宣戰為言。於是全國各處保守黨演

講壇及反對工黨之示威的行動。皆高揭紅旗與國旗抗鬪之說。此亦不過藉以喚起羣衆之仇視工黨。其實工黨非即共產黨。要不可指鹿為馬也。自由黨喬治演詞。亦存「英國將以英金三千萬磅借與俄國。而俄國者乃剝削人肉之利刀出產地」等語。保守與自由兩黨。向為英國政治史中之對峙兩派。今則互相聯合。對於工黨共施打擊。工黨以一黨而敵兩黨。雖敗猶榮。工黨之演詞。一面斥自由黨之自賣其靈魂。一面辯論俄約。並陳述政府內外政績。以期博得人民之信任。各黨所提出之候選人。截至十八日為止。共達一千四百十四人。內有無競爭者三十二人。若連劍橋倫敦及威爾斯大學之候選人計之。總額為一千四百二十二。計保守黨五三二。憲政黨七。自由黨三四一。工黨五〇一。合作黨九。共產黨八。超然派一二。共和黨七。新芬黨一。國民黨一。禁酒黨一。威爾斯大學所提出者為宗教和平派與自由黨各一人云。



繼英國而解散國會之德國總理馬克博士

▲德國政局。二十日柏林消息。德總統因政府之請。已允解散國會。德政府所以有舉行大選舉之決議者。實為民主黨之態度所激成。蓋民主黨不允與國民黨携手合組內閣也。公報稱。總理欲擴張政府。羅致多人。俾得可恃之多數。但所謀不成。故不得不解散國會。徵求民意也。

▲英土爭端。十四日晨。英政府照會土使。聲明英政府願依允土國之

痛攻工黨。邱吉爾曾以紅旗對國旗宣戰為言。於是全國各處保守黨演

建議。願將雙方所爭九月三十日所議定維持伊拉克邊界現狀之意義。提交國際聯盟行政會議決。英政府並將此意通知聯盟會秘書長。雙方對於現狀一語。各有解釋。不能同意。惟聞雙方皆並不派兵越過現已佔領之界線。蓋猶待聯盟行政會之決議也。

▲法俄談判。法國當局將從恢復法俄邦交委員會之建議。草擬致蘇俄政府之牒文。其中含有(一)承認蘇俄政府。(二)請恢復舊交。(三)解決債務問題。(四)賠償損失。(五)發表關於保護個人與條約權利之原則等項。法政府一俟俄國取必要之方法恢復法國對俄信任。即將誠心協助俄國恢復舊觀。此牒文於致俄前將非正式分致某某數國政府。而其所謂恢復法國對俄信任之方法。聞委員會主張由一國際機關接辦整理俄國對外貿易。並担保陸續清理俄國債務之辦法云。

東南戰爭成就之物

▲菲島排華。發馬尼刺之非列濱人。


十八十九兩日有仇視華人之行動。致有一菲人與兩警士被殺死。華人受傷者計十三人。兵警五百雖從事彈壓。而二十日仍有暴動。死傷共三百八十五人。二十一日馬尼刺亂事已告平息。華人商街復開門營業。惟菲人聲勢洶洶。猶屢起『焚燬華人街』之呼聲。據今晨中國周總領事所接之報告。排華風潮已蔓延於各省。加巴那端地方亦有暴動。數華人受傷。不知吾外交當局是否顧念僑民耳。

(二) 國內之部

國聞週報

▲北京事變。逗留古北口之馮玉祥。其部下第八混成旅于廿三日八時率兵回京。與王承斌胡景翼王懷慶等聯合倒曹。以縮短東北之戰事。馮入京後北京電話電線交通驟斷。外人無線電報告曹錕已避入某國使館。全國混戰之局頓呈轉機。關於此事詳情。本報當於下期作有統素之報告。

▲外交事件。(一)日使芳澤十五日正式照會外交部與奉張。謂東北戰事。認為中國國民間之爭鬪。日本取嚴正中立態度。決不干涉。惟日在滿蒙有特種關係。請飭注意保護日僑權利。同時派通譯有野向陸錦口頭抗議。直軍在秦皇島檢查日兵營及無線電台。二十日外部答覆芳澤節略。大意謂此次東北東南發生戰事。中政府不得已而用兵。貴使十三日來照。聲明日本對於戰事取嚴正態度。不加干涉。中政府頗為企重。至日人在華生命財產及條約上應享之利益權利。中政府自當竭力保護。且已頒明令。保護各國僑民之安全。並禁止軍隊沿途騷擾。凡日人居住衆多之處。及日商營業繁盛之區。政府軍隊經過時。願顧全鄰誼。敦睦邦交。一體切實保護。但請貴使亦通知僑民。妥為約束。勿使發生意外。該節略始終並未提及滿蒙利益字樣。又奉張對日覆牒。略謂東省近年來內則努力於人民安甯。外則增進列強友誼。值此軍事之際。對各種重要職務。現正特加注意。至蒙鄰邦諒解斯旨。尤所感謝。平時對於各邦生命財產。已能一致保護。又於此次鄭重言之。外僑絕不容有所危及。東省外僑居民投資



閩浙巡閱使孫傳芳

致保護。又於此次鄭重言之。外僑絕不容有所危及。東省外僑居民投資

總額。日本實爲他國冠。職責所及之處。必當竭力保護。以期得享和平康甯之樂。而與吾民之友誼共同增進。吾人既爲上述之保證。則對日本此次嚴守中立之態度。尤所感激等語。亦力避滿蒙利益字樣。並未提及。但外間盛傳吳佩孚深望對日有所協商。使日本助直猛張。聞汪榮寶岳開先赴日。擬秘

密承認廿一條有效。在滿蒙首先實施。以爲助直之交換條件。設果成爲事實。則軍閥因私爭而賣國。其罪不可追矣。


韶關南華寺



是寺爲五嶺以南第一古刹。南禪宗六祖慧能之肉體。現尙存。在塔內。是地產。李著名。故有南華李之稱。

館。亦爲俄國自動的行爲。決不能受公使團會議規則之拘束云云。嗣由某某等國公使發言。對是加使此種主張。認爲有討論之餘地。使團不能遽予以何種之表示。當決定對於俄使要求列席一層。俟下次會議。至俄使不願共守會議規則一項。決請某某兩使以私人名義。向加氏勸告。要求加之充一諒解云。(三)十四日起。京津間因兵車阻塞。交通斷絕。十

租界的石說「我倆快要添新侶伴了」



上海推廣租界之危機

五日。英法荷義四使先後赴外部見顧維鈞。請從速設法恢復京津交通。願允與吳疏麟會商。使團又提議接民國十一年直奉戰時成例。要求中國每星期開國際火車兩次。運送各國軍隊及僑民。此事業已照辦矣。

▲財政狀況 吳佩孚之所最門心者爲軍費。而軍費之籌措。又並不順手。王克敏以一人之力。不足應付。仍呈請設財政委員會。業已照准。指派高凌霨王克敏吳毓麟王毓芝曹銳等十五人爲委員。外傳此項委員會之惟一職務。即在疏通各方阻礙。辦成金佛郎案。俾可提用二年賠款。以充軍費。又十四日閣議通過發崇交門庫券一千二百萬。並擬通電各省區。預徵地丁漕糧一

罕。要求列席使團會議。又加氏間接宣言。公使團之會議規則。本爲形式組合之一種秩序單。無有強制或拘束上之性質。俄國爲與中國締結條約交換使節之一國。當然與其他各國之公使。同有列席於會議之必要。而會議之規則。俄國確無遵守之義務。俄國要求中國派兵保護俄國使


年指抵借。款此外烟酒加徵附稅發軍用兌換券一千萬。早經閣議通過。吳佩孚臨行時。曾邀張嘉璈周作民談蒞蓀等到四照堂磋商。指附稅担保借款五百萬。當晚先交二百萬。言明在津續交三百萬。並開財政部印刷局用東三省銀行舊銅模印刷鈔票。千萬發前方軍餉。混用市面。尙有其他舊銅模亦印一千萬。惟不知何處銀行鈔票。此事辦理甚秘。即此可見北京之搜括手段。固已層出不窮也。

▲廣州慘變 雙十節粵政府發還商團軍械時。商團曾與工農團軍發生衝突。間有死傷。十一日後。商界依然罷市。於是胡漢民奉孫中山令。十四日以前。長名義布告。解散商團機關。並令吳鐵城回公安局長任。此令下後。政府態度不啻備戰。西關商店幾全閉門。益加戒備。街間白日亦多全閉。范石生派兵勸告開市。仍無效果。而十五日之大慘劇乃作。是日滇湘桂粵各軍及警衛軍分路進攻西關。而工團軍又縱火內應。使商團不能兼顧。非繳械即逃竄。而市街之被焚劫者。尤慘不忍睹。西關各街焚至十時之久。西堤二馬路至岳陽堂堤。故衣街迄西營巷。燈籠。至興隆街。普濟橋至金谷園。狀元坊迄太平路。共焚房屋千數百間。廣州菁華。付之一炬。不可謂非粵人之浩劫。事後各軍檢



決肆劫兵士。政府並擬設法撫卹。至省城以外商團。孫中山擬不再勒令繳械。以其勢力已微。不足爲患也。

▲奉直戰報 (榆關方面) 自吳佩孚十一日出發赴榆前綫後。山海關方面之惡戰。連日不息。而尤以北地方面之進退爭奪爲更劇烈。吳佩



孚之第三師。楊清臣之二十四師。曹錕之二十六師。靳雲鶚之十四師。張治公之陝軍第二師。均已加入火線。奉方亦由熱河方面調兵增援。李景林部之第二軍。抽調一部。由張宗昌統率。參加於石門寨之戰。而吳光新部騎兵。又自赤峯開抵秦皇島。西北三十里之平山營附近。蓋雙方均注重於榆關之決戰矣。

十五日奉軍由沙河寨攻佔石門寨及三道關。直軍力禦無效。紛退秦皇島。是役陝軍第二師傷亡甚多。張治公有陣亡說。退却後。在距秦皇島北二里半之張橋鎮築壕防禦。十六日。奉軍開始炮擊山海關。十七日有業已入關之說。雖未證實。但山海關確已被圍。吳佩孚乃以艦隊運兵二三

萬人。由秦皇島上陸。增援反攻。但山海關方面重要陣地。如城子峪、梅花峪、黃土營等處。均早入奉軍之手。奉軍陣綫業已進展至角山寺、二郎廟、海洋城、黑山窩一帶。二郎廟之奉軍。且陷疙疸嶺。進五泉寺山南側。而奪取其西北面。至十八日晚。更前進而占領孟家溝。直軍雖力為抵禦。而陣地屢復屢失。加以天氣驟寒。直軍似已不能耐戰。吳佩孚屢傳下第一軍總攻擊令。而迄未見諸事實。彼雖報告克復九門口、石門寨。前進數英里。然證以二十日之京電。謂九門口連日有戰事。吳佩孚須將該地肅清後。始下全綫總攻擊令。可見奪回九門口之說。固非事實。九門口不奪回。則直軍在榆關西北等地之形勢。終屬不利。而奉張近以直軍在秦皇島登陸。故又通告外交團。謂即將進攻秦皇島。果爾。則山海關左右翼均被襲擊。直軍之地位更屬可慮。廿一日。吳佩孚派兵援榆關英僑九人回津。外傳直軍太勢準備退守灤州。或非盡虛也。（熱河方面）直方自王承斌赴承德後。馮玉祥之第三軍。並未向前進展。王馮二氏。迄今尚在灤平。馮氏近日電告。嚴部三旅。已易皮衣出發。其餘須俟皮衣運到。再圖前進。託詞天寒。不肯力戰。此已顯而易見。聞吳佩孚進行時。曾電王承斌馮玉祥。熱河失地。能恢復固佳。否則亦宜堅守原防。俟第一軍進攻時。同時動作。今第一軍已動作矣。而馮部第三軍冷靜如故。於是謠傳蜂起。有謂馮玉祥已與奉方之李景林妥協。最近有引兵回京主張解戰之形勢者。有謂段祺瑞與馮玉祥有密約。馮待奉軍攻佔灤州。即有表示。現與奉第二軍約定休戰。俟他方發展者。雖確否尙待證明。而馮氏之不願戰。則固千真萬確也。至於第二軍。亦仍取守勢。胡景翼部陝軍第一軍。開到毛家壩。董政國部第九師抵叻爾登。王懷慶部十三師一部駐下板城。而王懷慶電告。為指揮便利起視。二軍司令部移駐平泉以南安大石地方。是又從平

泉南退矣。惟最近京訊。則有謂譚慶林電告。十三日用騎兵攻克赤峯。擬分兩路進發。一由三十梁子援建平。一由老哈河援開魯。至究問其何以能攻克赤峯。則莫不謂西路奉軍現正抽調。應援山海關。故毅軍得乘虛而入。然即令果真奪回赤峯。亦殊不足以證明馮軍之政變態度而作戰。蓋奪回赤峯者。乃察哈兩軍隊也。（海軍方面）吳佩孚因榆關前綫不利。乃積極與日本密商南滿路運兵。派艦隊由秦皇島運軍。將赴營口或安東登陸。攻奉軍後方。一說謂輪船三艘。滿載兵士。由海軍艦隊掩護出發。而北京總司令部消息。更謂海軍陸戰隊已由葫蘆島登岸。據奉軍甚多。得槍砲無算。佔連山車站一帶。距錦州約五六十里云云。此又未免言之過早。據青島消息。則渤海艦隊雖已進攻葫蘆島。但以奉方設備甚嚴。飛機勢力又不可侮。故屢攻無效。是則吳佩孚抄襲奉軍後方之計畫。能否如願。殊不可知也。

▲東南善後 東南軍事。自盧何十三日下野離滬以後。聯軍雖擬繼續作戰。然卒以前綫陣地動搖。大勢已去。徐樹錚又被租界當局監視。無能為力。故滬甯路上海北站至麥根路車站一帶。聯軍退駐。雖有備戰形勢。特軍官藉此為收編條件之要挾耳。然以毘連租界之故。十五日後。形勢混亂。治安頗有可慮。迨十七日孫傳芳自寶山由莘莊方面率部進駐滬南。孫氏即委白寶山為上海防守司令。辦理軍隊結束。形勢始稍緩和。齊燮元以真茹至上海北站間滬甯路沿綫聯軍殘部之抗拒。不能逕自來滬。願收束軍隊。急如星火。故孫傳芳連日與商界議定籌款辦法。以供遣散改編之需。至二十日上午。始與聯軍收領議妥。夏兆麟部第四師與劉永勝部第六混成旅。歸孫傳芳收編。第四師開駐松嘉一帶。第六旅調駐青浦。第十師歸齊燮元收編。開駐江灣候編。威楊部隊。將由蘇鄂軍分別

收編補充。其不願改編者。發餉遣散。於是滬北聯軍始於二十廿一兩日開拔淨盡。孫傳芳即於廿一日返杭。而東南軍事告一大段落。惟齊燮元屢傳來滬。至二十二日迄未見到。暫委白寶山代行松滬護軍使職權。而郭軍旅長張允明亦似覬覦此席。近以各方請裁護軍使及遷移製造局之議紛起。而爭護軍使者又多。故政府決擬裁撤。改設松江鎮守使。是亦一解決法也。徐樹錚於廿一日被迫赴英。陳樂山近亦離滬赴日。轉赴奉

狂熱的十分鐘

J. C. Toohill 著
馬二先生譯

在那旅館門前。侍者招呼着向他們道喜。賈克略略的點了點頭。又向他的夫人輕輕的安慰了一句。便立刻走向他們所定的房間來。侍者端着些點心——都是甜的、還有香檳酒——以及其他。或者他們尚不須即行進膳——這位奶奶途中已經困倦了。當他們隨着叮叮搖鈴的侍者走過一張椅子時。那椅子上坐着一個人。正在看書。便從那本書上面斜看了他們一眼。差不多人人都可以知道。他們是蜜月中的夫妻。二人都穿着結婚的服飾。安琪納的一隻小手。緊攀着她丈夫的膀臂。侍者將房間門開了。『這裏客室——浴室……』有時她把手在他的臂上扯一扯。賈克便低聲說。『這個不要緊。』他們推推拉拉的。那侍者已走開了。她那說不出的一種嬌柔樣子。他連忙把她肩上的狐皮解除下來。不知怎的二人雙雙滑倒在地板上。他不由一嚇。輕輕叫了一聲『好人』。一把便摟住她。『不要。不要。賈克。先不要這樣。』她一邊小聲說着。一邊四面望。彷彿受驚的小鹿一般。他却更摟緊了她。嗅着她頭髮上那股香味。宛如中酒一般。他不由分說。吻她的嘴……她的頭髮……她的頸項……『賈克。』這一聲很細而帶有可憐之意。『我的腰太緊了。讓我換了罷。』

天。楊化昭則不知下落。盧何陳戚楊之通緝令。北京已於十七日頒發。甯波雖於十四日二次宣布獨立。代第一師長伍文淵被逐。但不旋踵而又失敗。第二師長周鳳歧已於十九晚率隊抵甬。北京閣議。且又決通緝甬自治軍總副指揮郝國璽王蕓矣。孫傳芳回杭之際。浙人當更俯首歡呼。而慶祝其凱旋。遑言自治哉。

他聽了。連忙跪着。代她把鞋脫了。她那着緞襪的腳。親熱接近。使他強烈震動。但她却疾忙把一雙腳藏起。不讓他看見。他彎着腰。向她耳傍很親愛的囁咕了幾句。她祇是搖頭。他又懇切着軟軟的挽着她的一隻臂膊。兩隻眼釘住她。現出十分渴望的樣子。過了一會。她纔發了慈悲。從椅子傍趺入臥室。他當然也追蹤而入。

『賈克請你……』他會意。連忙把房門關了。噦噦喳喳的。她又說了兩句。他又連忙走到窗口。把窗簾放下。這時候祇有爐中的火光。照耀着那軟墊的椅上十分溫暖。

那侍者難道不要送東西進來嗎。正是。因為他不必進來了。如果他們需要何物時。自可按鈴呼喚。當那侍者出房時。賈克料那侍者必然已了解他的意思了。他於是坐下。吸煙。但是心中忐忑。總不能安定。口中喃喃着。把一段吸殘的雪茄擲去。立起身來。祇管在室中來回的踱着。一會兒。又走至爐前。注視那爐中的火。

停了片晌。忽地臥室門上的鑰匙轉動。把他驚覺。祇聽見她說。『賈克。請你坐着不要動。把眼閉緊了……閉緊了。』他無奈。祇得遵從了。

一雙脚如符咒似的。絲襪如鏤鏤似的一股熱氣香噴噴的。使他沉香如被酒。如遭夢魔。祇覺得一雙精赤的臂膊。纏繞於頸中。一張香唇。偎在他的唇上。一個熱刺刺的身體。緊緊的貼在他自己的身上。他的心已緊束的胸口。血管都狂喊起來。耳中彷彿聽見廟中奏的號鼓一般。他此時自頭至脚。幾乎無處不覺奇樂。雖有寫實派的小說家。也描狀不出來。

從她那薄如蟬翼的相服下。他隱隱的覺着她那顆心也是躍躍的跳動。他狂暴一陣。又溫存一陣。祇管與那半推半就的身體相廝偎。恍似夢寐一般。漸漸的有些疲倦了。耳傍猶聽見安其的輕聲呼道。『賈克』

司平尼金女士描述此段既竟。她平生未嘗經過戀愛的滋味。不覺微微的彈了幾點傷心之淚。又提起筆來鄭重的寫道。

『不可刊布』

慈禧秘紀 (續)

同治吃菓子乾

顯皇帝殯天。同治即位。尚在冲齡。有監劉健者。近畿三河人。昔充同治宮之小太監。言同治十一歲時。西佛爺膳畢。欲召同治諭某事。而同治帝不見。同治之小太監四出。尋之不得。至中海。某太監報告。同治一人已赴豐澤門。四小太監尾之。至豐澤門。而門鑰已啓。四小太監互相驚失。曰。皇帝必由此門去矣。遂疾驅奪門而出。沿西安門大街。尋至西安門外。數十步。見一童子。藍布便服。緞帽綾鞋。立一小販擺前。手拖一孟。方大嚼而特嚼。四小太監自遠望之。曰。是矣。皇帝果然出游。因同奔至同治前。自後呼之。曰。主子爲何獨自外出。還不快回宮乎。同治好食甜鮮水菓。聞言轉目四

譯者按。文人弄狡獪。往往以已作托諸他人。而 J. C. Toohill 此作之末。忽托於 Jane Spinikins 女士。且註明女士爲獨身者。生平未經嘗過戀愛滋味。窺其意。殆以爲戀愛出于人之本性。故生平雖未經過。而獨能體會入微也耶。蒲留仙有云。眇者不忘視。跛者不忘履。然則獨身女郎之不能忘情於男女戀愛。固亦宜矣。未經嘗過。而偏欲極力描寫。描寫淋漓盡致。而又註之曰。不許刊布。世人於無可奈何不能自己之時。確有此種不能自解之矛盾。Toohill 不知何時窺破此點。乃假設一 Jane Spinikins 女士。喝破此中之秘密也。

又按。此篇用筆極恣情綺靡之致。而結尾一收。令人爲之肅然。非但文情變幻。不可測度。亦復一洗全篇綺靡之氣。而爲作者留得文章品格。小說家不可不知也。

清廷宮女口述 馬二先生筆記

賜。甚懼。小太監攜之回宮。雙手兜衣。急以未食之菓乾傾入。向來路而奔。孟亦傾棄路上。償亦不付。小販逐之索值。四小太監喝小販曰。此當今皇帝也。汝尙索價乎。小販懼。四小太監亦追于同治後。奔馳回宮。清宮例事。皇帝不能出宮。未及歲及皇諸世子。平時俱着藍布袍服。此雖細事。然足證清制之崇尙儉樸矣。


八角鼓起源

八角鼓之起源。世人頗少知之者。宮中有最初創作之八角鼓。據宮中前輩云。其始創者爲阿文成公。桂。乾嘉之際。阿文成率領旂兵赴川平定大小金川之亂時。兵丁久戍番邊。不能歸鄉。阿文成當春秋佳節良辰。每念

士卒勞征之苦。爲之創作八角鼓。令士卒習之。并代譜製曲詞多種。皆寄寫情懷。賦興兼作之意。其後阿文成公凱旋回朝。乾隆帝曾召兵丁習于演唱者入宮。聞而善之。曾令各旂兵丁子弟習之。要亦行軍作歌之取意也。故有子弟八角鼓之稱。而王公壽慶亦必邀演之。略如今之話匣堂會。實于娛樂慶賀之餘。不忘整軍經武之思。

御拖床

京中有所謂拖床者。冬春之際。溜行冰上。載人行走之具。據宮其正名爲拖船。太監李六云。佛爺曾製一拖船。船形略如外間所製。惟形體較大。船頭畫刻作龍首形。船尾附以鳳尾。（一說爲龍尾）船上鋪陳茵毡。大體仿效龍舟。冬日佛爺在北海中。常坐之以二內監曳之。二內監推之。行駛如飛。惟製成之後。僅試坐數次。即不復用。因佛爺性畏風寒。此物幾等棄置。現仍在之宮中。自佛爺殯天後。



清宮內之明大正之宮

更無人用之矣。

慈禧晚年喜以吉祥名字取人。佛爺當國至晚年。對於臣下升陟舉用。往往以名字之好惡。爲拔擢之原。則如榮祿、裕德、裕祿、榮慶、文祥、端方、宋慶、馬玉崑、董福祥、啓秀、毓賢、世續等。皆以名字之吉祥。得以進用。尤喜臣下各字用祥瑞字。如榮華富貴吉祥壽慶福祿等字。皆其所喜。而人才之美惡。不計焉。聞吏部有司員名馮思異者。屢選皆不獲遷升。工部有孫厲者。至諭令改名。謂非盛世之所宜。或向佛爺叩問。取佳名之意旨。佛爺曰。國家將興。必有禎祥。言之不文。行之不遠。凡美名。不惟快於唱讀。宣召且甚宜於聽聞。聞其各知其人矣。此中蓋有微意焉。非汝曹所得知也。

接神餃子包金銀

北京風俗元旦日。家家吃餃子。除夕之夜。餃子內包金錢制錢。煮後食之。如遇有錢者。則卜次年吉利。有財氣。宮中亦有此事。已亥年除夕。佛爺令

膳房預備餃子時。交到金五枚銀錢五枚。令分包其中。佛爺謂諸宮女云。『此金銀錢之餃子。如我食之。則明年我之財氣必盛。如汝等食之。則我之財必多入於汝等手中。如殘剩撤回膳房。廚師內監食之亦然。如我一枚亦食不着。則我明年必大破財。』膳房將十錢包好。雜入無錢餃子百枚之中。煮而進之。佛爺一枚亦未食着。因之大為煩惱。次年庚子西幸。皇宮為瓦德西所占。珍寶銀錢。俱為外人掠去。破財之言果驗。京人謂餃子為養餒餅。滿洲名詞也。

請膳盒

文化服務社敬贈

請膳盒者。質言之。即進膳之盒也。膳房每日除臨時召喚索要外。普通點膳均有一定時刻。今先就早晚兩餐言之。早餐十二時。午餐六時。在此二時之前。膳房之局。即各將肴饌陸續備置齊楚。一律裝入膳盒中。放置廊下几上。膳盒之製。係一木盒。內放黃棉墊。盒之中間。另有一槽凹下。有點之器。孟下嵌者錫座。錫座空其中。注熱水。有點之器。孟置諸其上。下有熱水。煖之。秋冬日可以不涼。安設既妥。放之盒內。槽中。器孟復有錫蓋。蓋上復包覆以棉墊。始合盒蓋。其製略如煖壺。可保存煖氣。至一小時。各盒安設妥畢。雁行式排列廊下几上。膳房各學徒年歲均自十餘歲至二十歲者。一字排開。立於廊下。以俟之。學徒一律紅纓官帽。藍袍白袖。足履官靴。靜候旨下。內監侍膳旨下。各學徒每人一盒。用手拖之。肩內監及膳房首領帶領。魚貫而進。每班約一二百人不等。點心膳湯較少。重素兩局。多至三四班。及抵膳殿。由內監分班接入。放設膳桌上。各學徒始行進下。膳膳之時。次第相同。至膳盒之外。而標黃質繪以藍。亦頗美觀云。

玉西瓜玉甜瓜

客歲清宮失火。傳說燒燬甚多。因之外間傳說宮中所存之玉西瓜玉甜

瓜。皆已失落。而其失落則不在去年。其實宮中確有此二物。玉西瓜在第一次敗軍入城。火燒圓明園時。已然失落。一說為英人擄去。至玉甜瓜此時已不在宮中。聞確係在攝政王府中。至玉西瓜玉甜瓜之形質。今分述之於下。

玉西瓜為整玉一塊。大小一如西瓜。表皮係深綠色。紋作黃白色。玉匠新成瓜帶及瓜身之紋。瓜皮約八分至一寸。穰作深紅色。穰中間有瓜子。係黑色。玉匠新成瓜子及瓜子窩。可以取放隨意。瓜身可分可合。合之為瓜。剖開亦為瓜也。說者謂全身為整玉。而色質內外三色。此其所以可貴也。玉甜瓜亦如甜瓜大小。外淺碧。內深黃。且有瓜蒂長寸許。玉匠斷之。亦如瓜形。聞有某外人曾出價五百萬元。欲購是瓜。今攝政王府雖窮。想尚不至貨瓜以自存也。

胡盧錄

培克謂髮匠曰。勿以香水精酒余髮上。剃髮匠曰。此水芳香耐久。君何以不欲用之。培克曰。正為其芳香耐久。恐余妻見疑耳。

名人錄



顧維鈞

顧維鈞號少川。江蘇嘉定人。美國哥倫比亞大學法學博士。民國元年五月國務院秘書。八月外交部秘書。三年外交部參事。四年特命全權駐墨西哥公使。旋改駐美全權公使。七年特命全權和議代表。赴歐出席巴黎和會。旋被選和會國際聯盟委員會委員。政府特任爲國際聯盟中國代表。九年調任駐英全權公使。十年華盛頓會議全權代表。十一年五月由英返國。六月任全國財政調查會會長。九月王寵惠內閣署外交總長。十二年四月張紹曾內閣署外交總長。十三年一月孫寶琦內閣署外交總長。七月與加拉罕簽定中俄協定。孫辭國務總理。顧代閣。九月顏惠慶組閣。仍任外交總長。

前期勘誤表

題	目	頁數	行數
全國大混亂之時局觀	一上	十五行	
松滬護軍使存廢問題	二上	十五行	

誤	正
混一之夢	統一之夢
駢指機關	駢枝機關

題	目	頁數	行數
滬局變化前後之大戰	二下	十九行	
社會名人	三下	五行	
中國影片新評	一下	十九行	

誤	正
且問領事團且聞領事團	
多遺產口	多遺產業
倩影依稀	倩影依稀